

Was merr su babbeld

Gude Nochber, ei wie?
Aach gude, wie?
Gut. Mir dut nix wieh.
Mir awwer unn wie.
Was dudern wieh?
Moi Knie.
Was issen mett doim Knie?
Dess dut ferrschderlich wieh.
Giehsde irschendwo hie?
Naa. Dess dut aach widder vergieh.
Du bist im Gesicht su grie.
Grie? Ich? Nie.
Merr kann hordisch ebbes krieht.
Ja. Unn donn hosde die Mieh.
Wo giehsden hie?
Ei bei moi Kieh.
Su frieh?
Die hawwe koo Futter mieh.
Wo sinnen die?
Bei de Bie.
Dusde die zieht?
Die Bie odder die Kieh?
Die Bie.
Aach die, dess stacheliche Vieh.
Donn losse lieh. Wolle merr gieht?
Wohie?
Bei doi Kieh.
Wern merr dess hiekrieht?
Dess kriehn merr hie.
Isch kannse vunn hier aus sieh.
Die Kieh? Im Lewe nitt, nie.
Donn hosde die Brieht.
Noch nitt. Trinke merr enn Woi?
Ooner vumm Rhoi?
Giehn merr bei uns enoi, kumm eroi.
Isch kumm medder roi.
Iss dess Glas doi?
Ja, dess iss moi.
Trinke merr mol, also meddem enoi.
Schmeckt der Rhoiwoi nitt foi?
Awwer Schnaps, den losse merr soi.

Eiern Honnes